



Cumün da vaschins Zernez

Protocol

Radunanza da vaschins da marcurdi, als 30 da marz 2016, a las 20.00, i'l center cumünal a Zernez

Preschaints: 13 vaschins cun dret da vuschar ed a partir da la tractanda 6, 14 vaschins S-chüsats: Martina Peretti-Müller e Christa Pinggera

Tractandas:

1. **Salüd e bivgnaint**
 2. **Tscherna da duos scrutinaduors**
 3. **Protocol da l'ultima radunanza da vaschins dals 11 da december 2015**
 4. **Vendita da terrain per la via d'Engiadina pro l'entrada da Brail**
 5. **Orientaziun davart ün permiss da runcada da god per la deponia Ova Spin**
 6. **Dumonda da dret da fabrica da la pulizia chantunala per ün'annexa vi da la chamonna d'antenna existenta sü „Praslönch“**
 7. **Dumondas da servitut per la nouva lingia d'ota tensiun suotterrana da l'OEE/EKW vers l'Engiadin'Ota**
 8. **Orientaziuns e Varia**
-

1. Salüd

Il president salüda la radunanza e giavüscha la buna saira. El constatescha cha la bannida es ida oura a temp e cha la radunanza es abla da decider. El preschainta la glista da tractandas e lascha approvar quella da la radunanza.

2. Tscherna da duos scruttinaduors

I basta cun ün scruttinadur. Sco scruttinadur vegn tschernü Leo Platzer.

3. Protocol da la radunanza dals 11 december 2015

Il protocol es stat exposat illas assas nairas e sülla pagina d'internet dal cumün. El vain approvà unanimamaing.

4. Vendita da terrain per la via d'Engiadina pro l'entrada da Brail

La correctura da la via chantunala cun la Punt Ota nouva es tant inavant fatta e la renovaziun da la via cuntinuescha vers l'Engiadin'Ota. Da la vart da Brail, al cumanzamaint dal cumün ingio cha la via da Chant Baselgia sbocca illa via chantunala, dess gnir fatta üna isla immezza via per quiettar il trafic ed üna nova entrada per la via latterala. Per quel scopo dovra il chantun 208 meters quadrat terrain da la parcella 478

dal cumün da vaschins cha la radunanza decida cun 13 vuschs da schi e sainza cuntravusch da vender. Illa cuorta discussiun avant la decisiun es gnüda datta amo l'intimaziun cha'l cumün da vaschins dess far il giavüschi invers il chantun da far il pussibel per quiettar il trafic tras Brail uschè ferm sco pussibel.

5. Orientaziun davart ün permiss da runcada da god per la deponia Ova Spin

Il cumün politic ha fat l'intera procedura da permiss per quista deponia da material. Il cumün da vaschins sco possessur dal terrain ha gnü da contribuir a la procedura da permiss per exaimpel cun inoltrar la dumonda da runcada da god. Il god vain runcà temporariamaing per far la deponia. Sün quella dess lura darcheu crescher god.

6. Dumonda da dret da fabrica da la pulizia chantunala per ün'annexa vi da la chamonna d'antenna existenta sü „Praslönch“

Per garantir üna funcziun permanenta dal func da pulizia e las organisaziuns da glüm blaua ha la pulizia chantunala da metter ad ir ün generatur da forza sü pro la chamonna da l'antenna a Praslönch. Causa cha aint illa chamonna existenta nun esa piazza per quel generatur sto gnir fabricada ün'annexa. Il permiss da dret da fabrica vain acconsenti cun 14 vuschs da schi e sainza cuntravusch.

7. Dumondas da servitut per la nouva lingia d'ota tensiun suotterrana da l'OEE/EKW vers l'Engiadin'Ota

Avant s-chars ün on ha la radunanza da vaschins acconsenti als drets da servitut per las OEE/EKW per la lingia d'ota tensiun suotterrana tanter l'Ova Spin e Pradella. Intant sun qua las dumondas da servitut per quella part da la lingia chi collia Zernez vers l'Engiadin'Ota. Pertoccas sun las parcelas da God Ruinas e Sur Röven vers Raschitsch ed Arduond e lura inavant da l'otra vart da la val in Pülschezza e Barlas-ch fin illa Val Puntota pro'l cunfin cun S-chanf. La Radunanza approva unanimamaing ils contrats da servitut.

8. Orientaziuns e varia

Il president, Rico Zala, orientescha cha la senda chi maina da Süsom Givè a Buffalora es gnüda reparada dal cumün da Val Müstair. Il cumün da vaschins es possessur da l'Alp Buffalora chi as rechatta sün territori dal cumün da Val Müstair.

Implü orientescha il president davart da duos naturalisaziuns simplifichadas duos duonnas maridadas cun vaschins survegnan automaticamaing il dret da vaschinadi davo 5 ons. Üna d'ellas viva a Turich e l'otra viva a Milano.

Suot vaira s'infuormescha Alfons Filli davart la naturalisaziun simplifichada. Quella vala per conjugals da vaschins chi sun esters. Davo 5 ons lai cun ün vaschin, pon eir ils conjugals d'vantar vaschins da nos cumün ed uschè eir svizzers. Implü vala quai per uffants da vaschins a l'ester. Quels pon esser citadins dobels da lur pajais da naschentscha e da la Svizra e quai independentamaing scha lur bap o lur mamma sun svizzers.

La radunanza po gnir serrada a las 20.45.

Il president:

L'actuar:

Rico Zala

Hermann Thom